

## FARZAND TARBIYASIDA OILAVIY MUNOSABATLARNING O‘RNI VA AHAMIYATI

*Bozorova Inobat Baxshilloyevna*

*Toshkent shahri Olmazor tumani 46-sonli umumiy  
o‘rta ta’lim maktabi amaliyotchi psixologi*

### ANNOTATSIYA

Mazkur maqolada farzand tarbiyasida oilaviy munosabatlarning o‘rni va ahamiyati yoritilgan. Oiladagi sog‘lom psixologik muhit, ota-onalarning o‘zaro munosabati, farzandga bo‘lgan mehr-muhabbat va e‘tiborning bola shaxsining shakllanishiga ta’siri tahlil qilingan. Shuningdek, oilaviy tarbiyaning bolalarning axloqiy, ma’naviy va psixologik rivojlanishidagi ahamiyati ko‘rsatib berilgan.

**Kalit so‘zlar:** oila, farzand tarbiyasi, oilaviy munosabatlar, psixologik muhit, ota-ona, bola rivojlanishi, tarbiya, mehr-muhabbat, muloqot, oila psixologiyasi.

### KIRISH

Oila jamiyatning eng muhim va asosiy bo‘g‘ini hisoblanadi. Insonning ilk dunyoqarashi, axloqiy qadriyatlari, hayotiy qarashlari va xulq-atvori avvalo oilada shakllanadi. Shu sababli farzand tarbiyasida oilaning, ayniqsa oilaviy munosabatlarning o‘rni beqiyosdir. Oilada hukm suradigan muhit bolaning jismoniy, ruhiy, ma’naviy va ijtimoiy rivojlanishiga bevosita ta’sir ko‘rsatadi.

Farzand tarbiyasida ota-onalarning o‘zaro munosabatlari muhim ahamiyatga ega. Oila a‘zolari o‘rtasidagi mehr-oqibat, hurmat, ishonch va hamjihatlik bolaga ijobiy ta’sir ko‘rsatadi. Bola ota-onasining muomala madaniyati, bir-biriga bo‘lgan munosabati va xatti-harakatlarini kuzatish orqali hayotiy tajriba orttiradi. Shu bois ota-onalar farzand uchun eng muhim namuna hisoblanadilar.

Oiladagi sog‘lom psixologik muhit bolaning o‘ziga bo‘lgan ishonchini mustahkamlaydi, unda xavfsizlik hissini shakllantiradi va ijobiy fazilatlarining rivojlanishiga yordam beradi. Bunday muhitda ulg‘aygan bolalar odatda muloqotga kirishuvchan, mas’uliyatli, mustaqil va ijtimoiy faol bo‘lib voyaga yetadilar. Aksincha, oiladagi doimiy nizolar, qo‘pollik, befarqlik yoki zo‘ravonlik bolalarning ruhiy holatiga salbiy ta’sir ko‘rsatishi mumkin.

Farzand tarbiyasida ota-onalarning farzand bilan muntazam muloqot qilishi ham katta ahamiyatga ega. Bola o‘z fikrlarini erkin ifoda etishi, muammolarini ota-onasi bilan baham ko‘rishi va ulardan ma’naviy yordam olishi lozim. Samimiy muloqot oiladagi ishonchni mustahkamlaydi hamda turli muammolarning oldini olishga yordam beradi.

Tarbiya jarayonida ota-onalarning farzandga bo‘lgan munosabati muvozanatli bo‘lishi kerak. Haddan tashqari qattiqqo‘llik ham, ortiqcha erkalatish ham bolaning shaxs sifatida to‘g‘ri shakllanishiga salbiy ta‘sir ko‘rsatishi mumkin. Farzandga nisbatan adolatli talablar qo‘yish, uning yutuqlarini rag‘batlantirish va xatolarini tushuntirish orqali tarbiyalash eng samarali usullardan biri hisoblanadi.

Bugungi kunda globallashuv va axborot texnologiyalarining rivojlanishi sharoitida oilaning tarbiyaviy vazifalari yanada muhim ahamiyat kasb etmoqda. Ota-onalar bolalarni turli salbiy ta‘sirlardan himoya qilishlari, ularda milliy va umuminsoniy qadriyatlarni shakllantirishlari hamda sog‘lom turmush tarziga yo‘naltirishlari zarur.

Psixologik tadqiqotlar shuni ko‘rsatadiki, oilada mehr-muhabbat va qo‘llab-quvvatlashni his qilgan bolalar ruhiy jihatdan sog‘lom, o‘ziga ishongan va hayotdagi qiyinchiliklarni yengib o‘tishga tayyor bo‘ladilar. Shu sababli oilaviy munosabatlarning sifati farzand tarbiyasining muvaffaqiyatini belgilovchi asosiy omillardan biri hisoblanadi.

Darhaqiqat, kelajagimiz poydevori bo‘lgan yoshlarning ta‘lim-tarbiyasi, avvalo, oilada shakllanadi. Shaxsga xos bo‘lgan xarakter xislatlari, shuningdek, millatimizga xos bo‘lgan etnik xususiyatlarimizdan, kattalarni e‘zozlash, kichiklarni izzat qilish, Vatanni sevish va burch kabi hislatlarning barchasi oilada shakllanadi. Aynan bolalar o‘rtasida sodir etilayotgan deviant xulq-atvor ko‘rinishlari jumladan, jinoyatchilik, giyohvandlik, agressivlik, suitsid kabi turli jamiyatimiz uchun yot bo‘lgan illatlar oilada shaxslararo munosabatlarning to‘g‘ri tashkil etilmaganligi oqibatida kelib chiqmoqda. Yosh oilalarimizda bolalar, o‘smirlar, katta kishilar va boshqa shaxslarga nisbatan kommunikativ shaxslararo muloqat qoniqarli emasligi xozirga vaqtda ommaviy axborot vositalari bilan aloqa o‘rnatish orqali amalga oshirilishi, shuningdek, «biz» tushunchasi va unga munosabat yetarlicha rivojlanmaganligi bilan ajralib turadi. Mikromuhit insonga ikki yoqlama ta‘sir ko‘rsatadi:

- jamiyat tomonidan tashkil etilgan stereotiplar ya‘ni, an‘analar, qoidalar, me‘yor va kundalik hayotdagi odatiy sharoitlar orqali;
- shuningdek, yaqin muhitning o‘ziga xos bo‘lgan xususiyatlari natijasida bolalarda xarakter xususiyatlarining shakllanishiga eng muhim omil sifatida birinchi navbatda oila muhiti eng kata tasir ko‘rsatadi.

Birinchi rezidentimiz ta‘kidlaganidek, “Oila hayotining abadiyligi, avlodlarning davomiyligini ta‘minlaydigan, muqaddas urf-odatlarimizni saqlaydigan, shu bilan birga, kelajak nasllar qanday inson bo‘lib etishishiga bevosita ta‘sir ko‘rsatadigan tarbiya o‘chog‘i ekanligini tan olishimiz darkor. Bola tug‘ilganidan boshlab oila muhitida yashaydi, ulg‘ayadi, oilaga xos an‘analar, qadriyatlar, urf-odatlar o‘smir zuvalasini shakllantiradi. Eng muhimi farzandlar oilaviy hayot maktabi orqali jamiyat talablarini anglaydi, his etadi”.

Darhaqiqat, kelajagimiz poydevori bo'lgan yoshlarning ta'lim-tarbiyasi, avvalo, oilada shakllanadi. Shaxsga xos bo'lgan xarakter xislatlari, shuningdek, millatimizga xos bo'lgan etnik xususiyatlarimizdan, kattalarni e'zozlash, kichiklarni izzat qilish, Vatanni sevish va burch kabi hislatlarning barchasi oilada shakllanadi.

Yuqorida ta'kidlaganimizdek, bolalarda xarakter xususiyatlarining shakllanishiga ta'sir etuvchi bir qator komponentlari oilada shakllanib borishi bilan birgalikda, nosog'lom bo'lgan oila sharoitida tarbiya topayotgan farzandlar xulqatvorida o'ziga xos bo'lgan salbiy individual psixologik xususiyatlarning shakllanishiga sabab bo'lmoqdadir.

Bir guruh psixologlarning aniqlashicha, xarakterning yangi sifatlarini yuzaga kelishi va ularning mustahkamlanishi real vaziyatni taqozo etadi. Shuning uchun ham xatti-harakat odatni, odat esa xarakterni va xarakter taqdirni yaratadi, degan fikr mavjud. Xarakter qandaydir turg'un va o'zgarmas xususiyat emas. Jumladan, bolalik yoshida xarakterning xususiyatlari odatda "jiddiylashish", "boshqacharoq bo'lib qolish" tarzida ko'rinadiki, bu hol ijtimoiy omillardan ya'ni, atrofdagilarga nisbatan munosabatning murakkablashuvi, gormonal yetilish natijasida namoyon bo'la boshlaydi. Shaxs xarakterdagi o'zgarishlarni yetarlicha hisobga olmaslik ziddiyatli va nizoli munosabatlarni vujudga keltiradi. Ayni shu davrda bola xarakterida aktsentuatsiya xususiyatlari, jumladan, emansipatsiya reaksiyasi kattalar qaramog'idan "ozod" bo'lishlik, tengqurlari bilan guruhlashish reaksiyasi, ishtiyoq reaksiya, xobbi reaksiyasi kabilar ustivorlik qiladi.

Aynan bolalar o'rtasida sodir etilayotgan deviant (xulqi og'ishgan) xulq-atvor ko'rinishlari jumladan, jinoyatchilik, giyohvandlik, agressivlik, suitsid kabi turli jamiyatimiz uchun yot bo'lgan illatlar oilada shaxslararo munosabatlarning to'g'ri tashkil etilmaganligidan kelib chiqmoqda. Bunda, ota-onalar farzandlari tarbiyasiga befarq, loqayd munosabatda bo'lishi, oilada sog'lom turmush tarzini to'g'ri yo'lga qo'yilmaganligi, ota-onalarni farzandlarining yoshiga xos bo'lgan psixologiyasini, ularga xos bo'lgan shaxslararo munosabatlar to'g'risidagi bilimlarini yetishmasligi tufayli jamiyatimiz uchun zid bo'lgan xatti-harakatlarning yuzaga kelayotganligi, natijada, ilmiy asoslangan ota-onalar va farzandlar o'rtasidagi munosabatlarning psixologik jihatlarini ochib berishligini taqozo etadi. Birinchidan, ijtimoiy muhitdagi turli hodisalar insonning ongiga bevosita ta'sir qilib, unda chuqur iz qoldiradi.

Ikkinchidan, tashqi ijtimoiy muhit ta'sirining chuqurroq va mustahkamroq bo'lishiga odamning o'zi yordam beradi. Ma'lumki, bolalar o'z tabiatlariga ko'ra, yoshlik chog'laridan boshlab, nihoyat darajada taqlidchan bo'ladilar. Bolalar katta odamlarning barcha hatti-harakatlariga bevosita taqlid qilish orqali bu hattiharakatlarni, yaxshi-yomon fazilatlarini o'zlariga singdirib boradilar. Bolalar oilada, ko'cha-ko'yda, katta odamlarning har bir harakatlarini, o'zaro munosabatlarini zimdan kuzatib turadilar. To'g'ri, hozirgi globallashuv va integratsiyalashuv

jarayonlarining kuchayishi munosabati bilan oilaning etnopsixologik xususiyatlaridagi milliy barqarorlik susayib, zamonaviylashish tendentsiyasi yaqqol ko'zga tashlanmoqda. Bu fikrga V.V.Boyko ham qo'shilib, bolalarda xarakter shakllanishiga ta'sir etuvchi zamonaviy oilalarning o'ziga xos xususiyatlarini quyidagicha ajratib ko'rsatadi:

-Birinchi, oilaning nuklearlashib borishi oqibatida yani oilada er-xotin va farzandlardan iboratligi zamonaviy kam farzandli nuklear oilalarning ko'p avlodli oilalardan farqli ravishda bola xarakterining shakllanishida o'ziga xos ijtimoiy-psixologik muhitni tashkil etadi. Bunday oilalarda ko'pincha shaxslararo munosabatlarning qisqa zanjiri ustunlik qiladi, oila a'zolarining o'zaro bir-biriga ta'sir etish vositalari chegaralangan, shuningdek, taqlid qilish uchun namuna va vaziyatlar ham kam shakllanganligi bilan farqlanadi.

-Ikkinchi, oiladagi o'ta bog'liq va bir xildagi munosabatlar oqibatida bolalarning ota-ona xulqi namunalarini mustahkam egallashlari ehtimolligini oshiradi. Ota-onalar xulq-atvoridan tanlab olish chegaralangan bo'lganligi sabab, bolalar ijtimoiy-tipik xususiyatlarni egallashi, qaysiki, o'zida ham mikromuhit, ham individual xususiyatlarining aks etishi ehtimolidan holi emasdir. Keltirilgan turli ilmiy ma'lumotlardan kelib chiqib ta'kidlash mumkinki, zamonaviy oilaning o'ziga xos xususiyati o'sib kelayotgan yosh avlod uchun insonparvarlik tajribasining cheklanganligi bilan ifodalanadi.

Bazi yosh oilalarimizda bolalar, o'smirlar, katta kishilar va boshqa shaxslarga nisbatan kommunikativ tolerantlik (bag'rikenglik) sifatleri yetarlicha o'z aksini topmaganligi, oila a'zolari o'rtasida yetarlicha ma'lumot almashinish chegaralangan, to'g'ri yo'lga qo'yilmagan, bori ham hozirgi vaqtda ommaviy axborot vositalari bilan aloqa o'rnatish orqali amalga oshirilishi, shuningdek, «biz» tushunchasi va unga munosabat yetarlicha rivojlanmaganligi bilan ajralib turadi. Ko'pgina holatlar oqibati sifatida yuqori darajada bolalarning «personifikatsiyasi», ya'ni oila davrasida bolalarning o'z «men» ini ko'rsatishi hisoblanib, bu o'zining haqligini ta'kidlash, o'zini ota-onalarga qarama-qarshi qo'yish, ularga qarshi harakatlar qilish, ularning qadrini, obro'sini ni inkor etish, ular berayotgan maslahatlardan to'liq foydalanmaslik orqali namoyon bo'lmoqda. Bu esa bola xarakter xususiyatlariga xos bo'lmagan begonalashishning ayrim shakllarini yuzaga kelishiga sabab bo'lmoqda.

Ayni vaqtda oilada shakllangan oila a'zolarining begonalashishi bolalarning boshqa doiralarda ya'ni, turli guruhlar va soatlab axborot vositalari bilan band bo'lishiga olib kelmoqda. Oila a'zolari o'rtasidagi kommunikativ aloqalarning cheklanganligi, qondirilmagan shaxslararo munosabatlarnatijasida bolalar o'zining ehtiyojini, endi norasmiy guruhlariga qo'shilish, noan'anaviy mashg'ulotlar bilan shug'ullanayotganini kuzatishimiz mumkin. Bunday bolalar va ota – onalar o'rtasidagi

o'zaro ta'sir munosabati jarayonidagi ayrim negativ holatlarni yuzaga kelishini V.V.Boyko quyidagicha talqin etadi.

Oiladagi o'ta qat'iy chegaralangan oila a'zolarining munosabatlari, bunda, ota – onalarning o'ta talabchanligi, bolalarda ning xarakter xususiyatlarida nuqsonli xislatlarini keltirib chiqaradi. Bu o'z navbatida ota – onalarning bolaga nisbatan munosabatida yanada qat'iy holatlarning xosil bo'lishiga olib keladi. O'zaro munosabatlarning agressiv holati natijasida esa bir biriga nisbatan bemehrlilik, qo'pollik va ota – onalarning qo'rsiligi bolalarda agressivlik reaksiyasini uyg'otadi va o'zaro munosabatlar jarayonida ziddiyatlarni yuzaga kelishiga sabab bo'lishini kuchaytiradi.

Munosabatlarning kelishuvchanlik holati. Bu holatda ota-onalar kompleks bolalar kompleksini hayotga yo'naltiradi. Masalan, ota-onaning doimiy ravishda boladan noroziligi, bolasini tanqid qilishi, urishishi,xaqorat qilishi, tahqirlashi boladada o'z navbatida aybdorlik xissini shakllantirib, uni maktabda, maktabdan tashqari jamoalarda himoya reaksiyalarining yetishmasligiga, muloqotda o'zini chetga tortishiga, o'z-o'zini himoya qila olmaslikga, biror ta'sirga tezda javob qaytara olmaslik holatiga va o'zini tezda yo'qotib qo'yish holatiga olib keladi. Bolalarning bunday xulq atvori ota-onalari va atrofdagilar uni boshqarishiga, boshqalarga tobe bo'lib qolishga, bog'lanib qolishiga, mustaqil bo'la olmasligiga sabab bo'ladi. Ketma-ket bo'lmagan munosabatlar. Bunda ota-onalarning bola tarbiyasidagi ehtiyotsizligi, loqaydligi vabolaga nisbatan talabchan bo'lmasligi bilan ajralib turadi. Bolalarga nisbatan qo'yilgan noto'g'ri talablar yo o'zini oqlamagan yoki o'ta yumshoq ko'rinishda bo'lib, muayyan bir harakati uchun bir safar jazolasalar, keyingi safar e'tiborsiz qoldirishining natijasiadir. Bunday holatlarda bolalar hulq-atvor normalarida, burch, ma'suliyat hissi kabi tushunchalar haqida o'ylamaydi va muayyan tasavvurlarga ega bo'lmaydi. Yuqorida keltirilgan tarbiya usullari,shakllariga bola tarbiyasida quyidagi xususiyatlarini yuzaga kelishiga sabab bo'ladi:

### XULOSA

Farzand tarbiyasida oilaviy munosabatlar hal qiluvchi ahamiyatga ega. Oiladagi sog'lom psixologik muhit, ota-onalarning o'zaro hurmati, samimiy muloqoti va farzandga bo'lgan mehr-muhabbati bolaning barkamol shaxs bo'lib voyaga yetishiga xizmat qiladi. Shu bois har bir oilada sog'lom va ijobiy munosabatlarni shakllantirish, farzand tarbiyasiga mas'uliyat bilan yondashish jamiyat taraqqiyotining muhim omillaridan biri hisoblanadi.

### FOYDALANILGAN ADABIYOTLAR RO'YXATI:

1. Karimov I.A. Yuksak ma'naviyat – yengilmas kuch. – T.: ma'naviyat, 2008.
2. Бойко В.В. Трудный характер подростков. - СПб.:Издательство «Союз», 2002.

3. Shoumarov G'.B. "Oila psixologiyasi" "SHARQ" 2008yil
4. Yosh psixologiyasi va pedagogik psixologiya: Ped. in-t. talabalari uchun o'quv qo'llanma M.G.Davletshin umumiy tahriri ostida. – T.: O'qituvchi, 1974. – 194 s.
5. Dostmuhammedova Sh.A., Tillashayxova X.A., Baykunsova G., Ziyavitdinova G. "Umumiy psixologiya". Toshken, 2020-yil
6. Ziyonet.net

